

Jina la Kifalme

Lakini ikiwa mtu anateseka kwa sababu ni Mkristo asione haya, bali amtukuze Mungu katika jina hilo—1 Petro 4:16.

Mungu ameniagiza kuwaambia watu Wake, wachungaji na wainjilisi, “Simameni mahali pa juu. Songa mbele na juu kwa uthabiti katika njia ambayo Yesu aliipita. Usiyaamini maoni yako mwenyewe. Utakaso kupitia ukweli ndiyo usalama wako pekee.” Bwana Mungu wa Israeli anawataka watu Wake kusimama katika nguvu Zake na katika uweza Wake, wakipokea ili kutoa. Atawaunga mkono na kuwategemeza wale ambao wanamtumikia kwa akili na moyo na kwa kumtumaini.

Tunahitaji kuelewa maana ya kumvaa Kristo, kile inachomaanisha kuwa na ujuzi halisia ya neema ya Yesu na imani inayokua daima.

Akiongea juu ya siri “ambayo tangu zamani zote ilisitirika katika Mungu,” Paulo anasema, “Mimi, niliye mdogo kuliko yeye aliye mdogo wa watakatifu wote, nalipewa neema hii ya kuwahubiri Mataifa utajiri wake Kristo usiopimika; na kuwaangaza watu wote wajue habari za madaraka ya siri hiyo ... ili sasa, kwa njia ya kanisa, hekima ya Mungu iliyo ya namna nyingi ijulikane na falme na mamlaka katika ulimwengu wa roho.” Kanisa katika ulimwengu huu linapaswa kuonesha utukufu ya Mungu, si tu kwa wale wakao katika ulimwengu huu, bali pia kwa falme na mamlaka katika ulimwengu wa roho.

Mungu amechagua miongoni mwa Wamataifa watu kwa ajili Yake Mwenyewe na kuwapatia jina la Kikristo. Hili ni jina la kifalme, lililotolewa kwa wale wanaojifungamanisha na Yesu.... Petro anasema: “Lakini ikiwa mtu anateseka kwa sababu ni Mkristo asione haya, bali amtukuze Mungu katika jina hilo”....

Laiti watu wa Mungu wangemwamini katika Neno Lake na kushikilia hazina ya thamani ya maarifa yanayofunuliwa kwaol ...

Mbele yetu tunao mfano wa juu na Mtakatifu zaidi. Kwa mawazo, kwa maneno na kwa matendo Yesu hakuwa mwenye dhambi. Ukamilifu ulionekana kwa yale yote Aliyoyafanya. Anatuelekeza katika njia Aliyoipita, akisema, “Mtu ye yote akitaka kunifuata, na ajikane mwenyewe, ajitwike msalaba wake, anifuata.”

Tunao mwongozo mkamilifu—Neno la Mungu aliye hai. Neno hili ametupatia kuwa kiongozi na mshauri wetu. Mtunga zaburi anasema, “Moyoni mwangu nimeliweka neno lako, Nisije nikakutenda dhambi”....

Wakristo, wale ambao ni lazima wamwasilishe Mungu duniani, hawapaswi kutafuta mafundisho yaliyo mapya na ya ajabu. Hawapaswi kuchungulia katika mafumbo ya maisha yajayo. Sehemu yao ni kuyafanya maisha yao hapa ulimwenguni kuwa vile ambavyo Mungu anayakubali

(The Review and Herald, Aprili 26, 1906).